

宋朝大詔令集

宋朝大詔全集卷第一百五十七

政事

學校

西京建國子監武成王廟詔景德四年二月乙亥

化民成俗素王祖述於六經保大定功尚父章明於七德膠庠是奉祠宇載嚴四方之人表則斯在兩京之地制度宜均定河南府營建國子監武成王廟監成日當議置官講說及賜几經書

建學詔慶曆三年

夫儒者通夫天地人之理而無明古今治亂之源可謂博矣然學者不得騁其說有司務先聲病章句以拘之則吾豪雋奇偉之士何以預焉士有純明朴茂之美而無敦學養成之法其飭身勵節者使與不肖之人雜而並進則夫懿德敏行之人何以見焉此助士之甚弊

而學者自以為患議者屢以為言朕慎於改更比今詳酌仍詔宰府加之參定以謂本學校以教之然後可求其實先策論則辦理者得盡其奧簡程式則閱博者可見其才至於經術之家稍增新制兼行舊式以勉中人慎法細文罷去明其賞罰俾各觀焉如此則待士之意周取人之道廣夫遇人以薄者不可責其厚今朕建學興善以尊子大夫之行而更制革弊以盡學者之材其於教育之方勤亦至矣有司其務嚴訓導精察舉以稱朕意學者其思進德修業而無失其時凡所科條可為永式

州縣學許本土人聽習外遊學人勒歸本貫詔 慶祿五年三

月辛未

乃者嘗詔方夏增建學官興育人材漸登俊造如聞近歲寢廢成規生徒希就業之風輕去鄉黨守宰挾好名之弊多創堂廬角崇儒之

虛文罕適時之明効弗加釐整將陷浮華矧取士之方察行為急雖
謹師承之習要先主著之常踐履有嚴淑慝方便宜各遷於所習用
祇服於斯文並勉進修俾無流蕩其國子監行條約外天下見有學
官州縣宜令諸路轉運司指揮今後並只許本土之人聽習若遊學
在外者皆勒歸本貫其所在官吏仍不得以州學公用為名科率錢
物妄轉運司常行覺察或有自來給係官田土并置到屋產歲入多
後來生徒數少即量留支給外其餘田產並令拘收入官

興學校詔 元年八月二十二日甲戌

學校崇則德義著德義著則風俗醇故教養人材為治世之急務除
京師置外學待其歲攷升之太學已嘗面諭外餘並依所陳起請仍
講議司立法頒付禮部施行

大司成薛昂乞置國子正錄以典教御批 大觀元年二月二

十五日

先王置學樂育人材而國子為之先今命之教而詳於諸生略於國子誠未足以稱置師儒教貴遊之意宜依所奏

罷提舉河北東路學士葉常御筆手詔大觀元年五月五日

稽古驗今作人造士比建庠序親製法令有能中選每歲釋褐命官不俟三年之淹可謂不次之舉八行異能之士不試而貢由鄉以升州由州以升朝非次拔用可謂非常之舉常身為提舉學事官乃不知此方進劄子乞立條然在人上之法欲加升進法既不能詳考其能舉職以教多士乎可罷提舉學士司別與差遣

鄉村城市教導童稚令誠義御筆大觀二年正月三十日

古者命之教然後學比聞上書及黨人聚徒立衆教以邪說所習非正違理害義其能一道德同風俗乎除士子並合入所在學外自今

應於鄉材城市教導童稚今經州縣自陳赴所在學試義一道文理不背義理者聽之上書及黨人不在此限違者以違制論

聽諸生兼五經御筆

大觀二年二月一日

古之學者三年通一經計十五年則五經皆通熙寧中進士以經術期之尚淺故止專一經今已三十餘年士益習矣思得多聞博習之材而慮專門之流弊可自今學生願兼他經者聽之兼經多者計所多量立升進之法使天下全才異能得而進焉

黔南興學御筆

大觀二年二月

日

黔南新造之邦人始從化雖未知學然邇其鄙心非學無以善之委轉運判官李仲將以漸興學舉其孝弟忠和使知勸向

令提舉學事體重師儒官御筆

大觀二年四月一日

學校肇建師儒之官置員甚眾汎選多士不遺致詳深慮其間或容

濫冒不足以表率庠序其有趨尚不端學術非正可令提舉學事官體量按察聞奏如或失覺致他人業舉其提舉官當行黜責

常州奉行學校推恩御筆手詔大觀二年七月二十一日

學校興崇人材樂育法備令具勸懲已行深慮有司失實尚有遺才傳不云乎進賢受上賞蔽賢蒙顯戮聞前日省興之數較其試中多寡惟常州為衆苟依常格推恩非古人上賞之意其知州教授特與轉一官

京西南路提舉路環奏乞學費所入所用裁之圖籍御筆大觀二年八月二十二日

禮部掌教養之事學校之興內外協力今已就緒而養士之類舍字之數費用之多霖田業之頃畝載之圖籍掌在有司累年于茲廢闕不具失職為甚可依所奏疾速施行

學校御筆 政和二年五月十六日

鄉舉里選三代所以賓興賢能以善養人者也今學校之興教養之令修明備具矣比來浸失本旨至參以科舉罷廢縣學給食之法害令惑衆者非一可並依大觀三年四月以前指揮其後降指揮更不施行

臣僚言學士為文輒避時忌御筆手詔政和三年五月二日所肯乎士者以其能自肯故肆而不拘今群處於庠序日以拘忌為事非獨其文不得騁亦士之自賤也不諱之朝古人稱之朕豈不知此而士以私意度其上何鄙近如此其亦教導者謬歎宜依所奏布告天下革而新之如或不從可置以法

考校程文官降官御筆手詔政和三年閏四月三日

稽若前古聖人法言旨遠言近文直事議故典謨訓誥微顯闡幽宏

深瀨壘莫可尚矣肆及後人文勝於質華綺支離去道滋遠朕甚不
取近覽太學生私試程文詞煩理寡體格卑弱言雖多而意不逮一
幅幾二百言用心字凡二十有六文之陋於此為甚夫積於中既深
則發於言必厚學無根本詞必浮靡可令太學辟師儒校試考選日
後有犯辟而黜之文理縱復合格亦居下流使歸典要以稱茲意朕
有好爵與爾縻之又奉御筆大司成學官各有攷校不當將上取旨
國子監供到狀契勘今年三月分太學私試策校考上三名程文官
職位姓名下項大司成劉嗣明司業林震蘓桓國子正顧文國子博
士謝湜閏四月四日奉聖者劉嗣明林震蘓桓謝湜可特降一官顧
文降一官內顧文謝湜仍放罷郭從駿放餘依已得指揮

學校增員御筆政和五年八月十一日

學校以善養人設師儒建學宇備善教天下士十有三年道日益

明士日益衆庶幾於古養士之額尚循前數有司拘以定額士游學校外不被教養於學者尚多有之則野有遺材矣諸路學校額及百人以上者三分增一分百人以下增一分之半即陝西河北河東京東路學士數少者仰提舉學士司具可與不可增及所增數聞奏

學校士能博通詩書禮樂置之上等御筆手詔政和六年八

月十六日

學校養士以待士之自得於先王之學非專於賓貢而已士牽於賓貢蔽於流俗故習尚秦漢隋唐而不見堯舜三代比閎時文觀其志趣率淺陋卑近無足取者先王之道文具在讀其書論其世可考而知士不務此而趨走逐末則朕稽參成周立法度何賴焉其令太學辟廋提舉學士司自今有能博通詩書禮樂稽古明道見天下之大全者置之上等其人材拔俗者不待考選校定之數具寔狀以聞

朕將不次而用之布告中外咸使聞知

臣僚上言八行預貢人與諸州貢士混試御筆手詔政和六年十二月十五日

頃歲親御翰墨着八行之法以馭天下操履敦篤不求聞達之士比年頗聞實緣請託觀望權貴漸以濫貢吏不奉法士失所守冒妄僥倖可依所奏如尚敢循習弊倖以違御筆論不赦

學生懷挾代筆監司互察御筆手詔政和六年十一月十五日學校以善養天下比來法行令具士有所養餘二十萬人絃頌之聲無遠弗届方周千里之畿遠矣朕樂與天下士共之而吏緣為姦士失所守至假名代筆覲免戶役挾書就議僥倖苟得請託求嚙觀望權要比命有司重置以法此豈朕所望於士者夫法久則弊人玩則弛其令諸路監司重置以法知而不舉皆與同罪提舉教授仍加二

等尚書省檢舉學事司官祭其失職者罷之

宋朝大詔令集卷第一百五十七

宋朝大詔全集卷第一百五十八

政事十一

徵召

今京兆以禮遣种放赴闕詔

咸平四年三月辛巳

种放隱居邱園耽尚墳素孝悌之行鄉閭洽聞朕統御羣方寤寐多士眷懷空谷用降安車今就賜緡錢五萬令京兆府以禮遣赴闕

召种放詔

咸平五年八月丙辰

朕憂勤庶績景仰前修期康濟於兆民用洽和於四海明揚巖穴思得俊良汝肥遯邱園博聞令古周探治體義用而弗矜自保天倪養恬而為樂覽守藩之上疏稽首弔之舊章渴望末儀副於虛佇且兼濟乃達人之事獨善貽大雅之譏勉赴闕庭無懸雲壑翹待之意當宁增深今遣供奉官周理齎詔就山召汝赴闕仍賜緡百疋錢十萬

許种放暫歸舊山記

咸平六年二月中戊

汝久安棲道近副旌求方得嘉謀縻之好爵遂有松楸之念復興雲
壑之心重違雅懷聊遂勤請宜許暫歸舊山三兩月間異汝歸閒

遣中使召种放詔

景德四年九月己未

朕臨御寰區憂勤旰食延茂異物色隱淪思訪話言用熙庶績以
卿棲心巖竇屏迹紫塵躡綺之遐蹤有曾顏之至行特舉膏圖之
典果符前席之心是用蕃錫寵章推升近署僅周歲律超錢諫垣聿
推不次之恩定顯非常之遇每因延見屢啓諮詢既洞曉於典彛亦
備詳於理道載觀敷納蔚有材謀深簡朕懷頗思大用然以播紳之
列朝野之情未能悉知足緩成命而卿中林結想旋頒賜告之文邈
關言歸吏覲來儀之盛副予虛佇亦諒純誠今四隩來同萬彙思又
方崇政本庶享時風卿必能斟酌化源丹青王度恢富國強兵之術

陳制禮作樂之規反林還淳措刑息訟輔予不逮馴致太平登用機
衡弼成寡昧卿宜體茲眷遇罄乃誠明叙經國之夫猷述致君之遠
略盡形奏牘以沃朕心副涼德之倚毗塞外朝之觀聽乃司樞務式
洽至公

召給事中种放詔 大中祥符三年正月己未

卿志懷巖壑學洞典經早副詳延方隆待遇爰從假告已涉歲時雖
俯徇幽棲固冲和之足保而每當清宴在虛佇以良深詔到日可發
束赴闕

賜种放手札 大中祥符三年正月甲戌

卿頃應鵠書來登文陸詰詢無隱言簡於朕心慎密居多事絕於人
飛雖存存於眷注然難怡於幽棲固辭振驚之班佳遠冥鴻之志爰
從賜告俟已踰年載想風規豈志鑒寐天一之詔方俟於來庭西馬

之卒未聞於戒道誠虛懷而有阻諒素履而彌彰亦知所告未平遵養為切勉從陳請深冀願言將來若有詔書勿復辭也

詔陳升之起復赴闕詔 熙寧四年

勅升之卿鸞絲樂棘越去機衡念勇節之卒哀格禮推而渙命宜還宰席載亮天功想思大忠來副重倚已降制命除卿起復想宜知悉

召韓絳赴闕詔 熙寧四年

勅韓絳卿忠誠許國德業熙朝久出撫於邊疆近進升於魁柄眷言勤瘁彌渴儀形趣宜治歸姑佇延見詔到日卿可發來赴闕思宜知悉

賜新除門下侍郎章惇赴闕詔

元豐五年五月

卿以舊輔填撫北陸紹懷俊能入議裁政令訓迪有位服於官成倡予猷為良在近弼宜副延矚亟覲闕庭

召守太師致仕文彥博詔

元祐元年四月戊子

卿踐更上府弼亮三朝呂聞四裔功在天下注想元老渴見儀形宜
疾其驅副我虛佇詔書到日卿可肩輿赴闕并男貽慶居中隨侍令
河南府津置行李

賜新除落致仕依前光祿大夫范鎮赴闕詔 元祐元年十月
十八日

勅范鎮夫有德君子以精神折衝譬之麟鳳能服猛鷲朕虛懷前席
思致諸老非敢必以事委也苟得黃髮之叟蟠然在位則朝廷尊嚴
奸究消伏卿雖耆老乃心王室母憚教舍之勞以副中外之望已降
勅命落卿致仕除依前光祿大夫充端明殿學士兼侍讀提舉中太
一宮兼集禧觀公事詔書到日可發來赴闕故茲詔示想宜知悉冬
寒汝比平安好遣書指不多及

賜韓絳赴闕詔

勅韓絳省所劄于奏陳乞致任事其志卿推自祖宗輔翼先帝德望之重天下儼聞異其致之一方勞以民事不若歸安闕下式瞻儀刑請老閑居同非所望嘉歎入告夫豈不能追卿云還及此初夏已降勅命差卿充集禧觀使詔書到日可發來赴闕故茲詔示想宜知悉夏熟卿比平安好遣書指不多反

同上

勅韓絳覽所劄于陳乞致任事具悉為天下計則賢者常勞為人臣謀則老者當逸今朝廷侍卿之意酌處其中奉朝請於琳宮所以系民望釋負荷於留鈐所以慰雅懷勉及清和亟還朝著已降勅命差卿充集禧觀使詔書到日可發來赴闕故茲詔示想宜知悉夏熟卿比平安好遣書指不多反

賜新除翰林學士許將赴闕詔

勅許將卿欲而好學達於從政出殿方國則修儒術而飾吏事入備
顧問則酌民言而廣上聰待命北門號稱內相雖於卿為舊物實當
今之高選亟殫厥職佇聞嘉猷已除卿翰林學士朝請大夫知制誥
詔書到日耳乘遽馬疾速發來赴闕故茲詔示想宜知悉

召知穎昌府范純仁赴闕詔 元祐八年六月甲寅

卿自予訪落典試鴻樞延置鼎司協成幾務贊襄兢業夙夜用勞引
伏外邦怙有日月允懷廣茲想見老成聞詔即途毋留存節詔書到
日卿可乘遽馬疾速發來赴闕故茲詔示想宜知悉

求道書

詔求三館閣書詔 太平興國 年正月壬戌

國家勅求古道啓迪化源國典朝章咸從振舉遺編墜簡宜在訪求
致治之先無以加此宜今三館所有書籍以開元四部書目比較據

見闕者特行搜訪仍耳錄所少書告示中外告臣僚之家有三館閣書許詣官進納及三百卷已上者與子出身不及三百卷者據卷秩優給金帛如不願納官者借本繕寫

訪遺書詔

咸平四年十月甲子

國家大崇儒館博訪藝文雖及購求尚多亡逸特降恩制用廣搜延應中外官及民庶家有館閣所少書籍並令進納每卷給十錢及三百卷已上當量材錄用

求遺書詔

嘉祐五年八月壬申

朕聞自昔致理之君右文之世曷嘗不以經籍為意也蓋化民成俗其由學乎我國家承五代之後簡編殘闕散落殆盡建隆之初三館聚書纔僅萬卷祖宗平定列國先收圖籍亦嘗分遣使人屢下詔令購募所至異本間出補緝整比部類漸多朕繼紹光志罔敢失墜景祐

中嘗詔儒臣校定篇目偽濫重複並從刪去藝文之盛槩然詳備朕
聽政之暇無廢覽觀以今秘府之所藏比唐開元舊錄年祀未遠遺
逸何多且開購賞之科以廣獻書之路應中外士庶之家有收館閣
所闕書籍許詣官送納如及五百卷當議與文武資內安排不及五
百卷每卷支絹一疋令進奏院遍牒四京并逐路轉運司指揮轄下
州府軍監縣鎮委自知州通判等多方採訪如士庶之家有收藏得
上件書籍及別更有奇書令具名件卷秩所撰人姓名年代逐旋繳
建聞奏內在京者仰於崇文院投納仍令編定所看詳如部帙完全
的非偽濫即仰開坐聞奏當議依詔推恩

出宮女

放宮人詔

大中祥符元年五月癸未

掖庭之中名職素定各司其事咸率舊規肆予纂承無所增益八月

之筭蓋廢而不行九御之列亦闕而未備慮尚違於物性頗深軫於朕懷比屬餘閑特從臨問式遂其意以洽至仁其宮人一百二人宜令入內侍省優與資遣放令從便

出宮人詔 大中祥符八年五月庚子

朕稽古前猷敷于內治眷掖庭之等級奉彤管之箴規九職備儀聊分掌於名物八月筭賦固無事於採求念陳力之勤勞並推恩而貴遣仍加優給式洽深仁其宮人一百八十四人放出掖庭各令從便

宋朝大詔令集卷第一百五十九

政事十二

建都

升應天府為南京曲赦應天府及至京所過縣流以下制大
中祥符七年正月丙辰

門下順勁省方所以尉僉來之誦奉先繼志所以恢孝治之風矧復
自靈域而運衡屆名藩而駐軫顧興王之地既積於永懷仲追遠之
心宜揚於今則朕紹膺駿命茂集純禧祇受於圖書交修於典禮盛
宗汾壤接統於千齡寶緒璇源發祥於百世將肇升於吉上期大報
於高旻飭駕誰邦先伸於順拜回輿賜郡載想於有開懷藝祖之膺
符徇樂郊之望幸仰昭前烈肇建析鄙時令是遵屬發春之在序王
猷斯展期虔錫之及人式覃寬大之恩用答延鴻之祐可敕應天府

管內及至京行幸所應縣分正月二年九日昧爽已前諸犯罪人死
罪奏取勅裁外流罪已下咸赦除之應天府并為南京正殿以歸德
為名云云於戲禮成祈福惠浹民尊祖均禧已隆於丕律持盈守
位愈勵於小心咨爾多方體予深意

建北京德音 度曆二年五月戊子

相邑設都所以因地形之勝省方展義所以考民風之宜乃瞻魏郊
實當河麓席萬里之懿兆冠千里之上腴隱然北門壯我中夏洪惟
聖考頃駐琤輿宮館並存威靈如在緬懷凝烈彌切於孝思嘉慰侯
來敢忘於時邁載恢舊制崇建別京茂昭善繼之猷乃梁惟新之澤
大名府宜升為北京先朝駐蹕行宮正殿以班瑞為名大名府管內
及河北州軍云云於戲奉先修舊封域之制已中肆育緩刑雨露之
秋載浹咨爾巡道當體至懷

建易州縣

升密州為節鎮詔

開寶五年閏二月庚戌

高唐古封諸城劇郡擅耕桑之美利居海嶽之上游宜升節制之權用壯藩維之寄其密州宜升為節鎮以安化軍為名

升宿州為節鎮詔

開寶五年八月癸卯

勝惟宿國實處安衝接淮水之上游乃符離之故地保升節制用壯軍城其宿州宜升為節鎮以保靜寧為名

以榆次縣為并州詔

太平興國四年五月丁亥

乃勝太原本為巨屏蓋以山川險固城壘高深故孤克憑而為姦蜂蟻聚而肆毒臨戎比屋幸為匪人惡木之陰君子所以不息亡國之社先王用之垂戒宜遷爽塏式變凶墟俾因易地之方庶就華音之善其太原舊城內已令廢毀依舊為平晉縣以榆次縣為并州其太

原城內歸順將校等並優與賞給其舊城內尼僧道士並遣使護送
西京官給寺觀處之官吏及高資戶並於河南府賜田宅便為永業
其他民戶悉移於新州仍令長吏倍加存撫

以靜安軍為深州治所

雍正四年二月丁未

詔深州管內人戶等昨以敵人肆暴侵我封陞惟彼生民被其荼毒
永言憫恤日志于懷思有政廢期安輯宜以靜安軍為深州治所思

廢夏州舊城詔

淳化五年四月乙酉

日者李繼遷報負國恩若為邊患鳩率鄰國侵掠封陞朕不欲加兵
蓋思靜亂遂令李繼遷授之節制俾鎮復臺外則式遏亂略內則撫
綏蒸庶而乃梟杵相和孤性多疑爰與肺府之親潛結輔車之勢迭
為表裏孤負倚此項舉偏師用早三窟暮茲民庶久困兵鋒蓋由百
雉之城深在強鄰之境豺狼因而為援蛇豕得以興妖思珍餘風用

遷善地勉務革音之態永懷按墳之心其夏州舊城宜令廢毀居民
並遷於綏銀等州分以官地給之長吏倍加撫存

改鎮海軍詔

淳化五年十月丁巳

眷彼營邱控於東夏太公開四履之地小白舉九合之師忠烈猶存
風流可尚宜改總戎之號用旌表海之邦青州平盧軍改曰鎮海軍

改寧海軍詔

同上

浙右與區餘杭故壤閭閻舊族有延陵廉讓之風組練雄師知孫武
制齊之令經於浴海寶曰大藩故更節制之名用浴底寧之化杭州
鎮海軍改曰寧海軍

以靜樂軍置憲州詔

咸平五年五月癸卯

列城郭塞控制外蕃其於形勢之宜當處要衝之地俾遷治所用壯
邊陲宜以靜樂軍置憲州

永宋州為應天府詔 景德三年二月甲申

睢陽與巨平臺舊壤而漢之盛並建於戚藩五代以還存非於節制
地望雄於征鎮綏理接於神州實都畿近輔之邦乃帝業肇基之也
恭惟聖祖誕膺鴻圖爰於歷試之初兼領元戎之寄振歆所集符命
荐臻殆茲累朝俯同列郡式照茂烈宜錫崇名用彰神武之功具表
興王之盛宋州宜升為應天府宋城縣為次赤寧陵楚邱柘城下邑
穀熟虞城等縣並為次畿

建永安縣

景德四年正月丁卯

比者泰朝茂殷式虔孝思仰瞻烈聖之靈方積昊天之感營建城邑
充奉山園祇率徵章用崇先烈永安鎮特建為縣隸河南府同赤縣
委本府與轉運使割就近稅戶隸屬夏秋二稅止輸縣倉不得移撥
常賦之外免其他役著於甲令慰朕永懷

升象州為防禦州詔 景祐四年九月丁未

象州素為名郡亢壯炎荒地控百蠻疆連五嶺屬狂妖之竊發當走
集之奔衝而能壯彼軍聲堅其城守威諭或勇武遏寇振宜加禦侮
之名用表盡忠之功可升為防禦州

升兖州為大部督府詔 大中祥符元年十月丁巳

雍蒙與壤洙泗名邦列禹貢之舊封被孔堂之遺教勒封六畢拜節
所臨爰觀省於民風遂詢求於地志矧喬嶽在望乃茲土之式瞻而
清蹕所經蓋連甕之相慶式增府號以慰輿情兖州宜升為大部督
府

改祥符縣詔 大中祥符二年正月甲子

上帝眷懷元符錫命以首春之旭旦降東掖之禁門載稽輿地之圖
實在浚都之壤式昭天瑞俾著邑名浚儀縣宜改為祥符縣

罷京西驛路出永安縣大中祥符二年二月戊戌

昨議從京西驛路出永安縣且永安陵邑也如開從之則秦蜀行旅
戍戍入貢志由於此神道貴靜非所宜也其亟罷之

改行慶閣詔大中祥符四年三月戊戌

比者坎輶已祠鳴驚復路春王闕之樞會控鼎邑之要衝宜易美名
用昭多慶可改虎牢關為行慶關

緣河縣分各於河南北就便管轄詔大中祥符五年九月辛未

朔河列郡在常賦以攸同屬邑分疆有長津之是阻言念供租之賒
非無涉險之勞移隸官司庶從民便宜令京東京西河北陝西轉運
司與逐處長吏同相度緣河縣分鄉村各於南北就便管轄

建昇州為建康軍江寧府天禧二年二月戊辰

勅朕以祗畏昊穹保寧基構荷鴻禧之總集祐玉緒之綿昌眷予宗

藩賢惟元嗣聰和植性務將習以相資孝友淳方尤風成而有裕爰
稽典頌式舉英章較增無土之封彌固維城之業表茲南紀允謂與
區式示壯猷特崇巨屏且建皋州為建康軍江寧府

升鄭州為節鎮詔

景祐元年十二月丁丑

周禮九畿並尊冢內漢設二部寔陪京師日相宅浚郊夾右榮園爰
攜扶翊之義參領防遏之兵肆先聖之時巡嘉駝道之所出留燕臺
老省觀風謠比覽侍臣之章請增戎鎮之號矧車傳旁丘民廬革藩
固可以充奉殿國輔寧都向式循廣武之舊且寵建牙之威鄭州宜
升為節鎮以奉寧為額仍以大兩省知州

升蔡州為淮康軍

景祐二年十月己丑

王者因督師之地立節制之名所以啟公侯之封崇屏翰之望實大
土宇衛於京師乃春汝南之墟舊惟豫州之域控帶淮瀆密邇浚都

城邑旁連尤為劇郡賦輿錯出晉吳庶邦矧氣候本於中和風俗底於康靖宜升建牙之號式厲經武之方蔡州宜升為淮康軍

置京畿輔郡詔 皇祐五年十二月辛丑

朕紹膺峻列維御方夏念有周之成憲遠二漢之宏規乃廓中都爰分三輔以內文主風化用司隸察淑應事存簡冊理在討評今京邑成基王基定制取象日於千里表為則於四方樹本有端提封必廣務參求於載典期壯大於神州並建近藩用恢丕業以京東曹州京西陳許鄭滑為輔郡並屬畿內既資謀始增闡前規精擇近得之良倚重陪京之寄咸益兵而督轄仍置使以潛轡考古御今圖寧惟永除依前降指揮

升穎州為節鎮詔 元豐二年八月

今朝州郡之別土廣民衆則必表以節制之號況王者舊封之地顧

可以無稱哉汝陰與巨東接舊壤朕實受昨於先帝以故土茅宜加
寵名用顯基命穎州宜升為順昌軍節度

曲赦穎州德音 元豐二年九月癸未

門下朕祗道駿命紹膺寶圖念賜履於先朝普開邦於清廟賦與繁
錯民氣中和遙連浚都密屏王室廣大土宇究存茅社之封隆名顯
稱未正節施之號近霽恩詔列為巨藩宜覃曠恩以澤舊國應穎州
管内見禁云云於戲建牙示寵晚光受昨之休厚下推仁更表昭天
之慶咨爾有衆體予至懷

升許州為穎昌府詔 元豐三年正月癸酉

惟穎州之與巨實上國之巨屏土疆財賦既廣且繁朕祗荷永圖紹
膺聖緒建旆授節基命此邦錫且府名用慰民望其升許州為穎昌
府

曲赦潁昌府德音 元豐三年正月丙子

門下朕膺昊天之恩祐紹列聖之丕基昔在先朝選分外鎮眷許昌之巨屏有忠武之全師伏軾建牙茲惟我履升儲纂服寔自是邦爾山川陪浚都之王氣敦乎民俗想夏禹之遺風爰舉故常特崇名號俾雄輔藩之制式慰臣民之心乃霽渙恩以彰休慶潁昌府管內見禁罪人限德音到日云云於戲擁旄開府荷景命之有先布德行仁與舊封而同樂咨爾黎庶體予顧懷

端州升為節鎮詔 元符三年十月乙卯

惟高要之與區乃南國之舊壤土風淳厚民物夥繁朕誕受多方紹承大統顧啓封於茲土實賜履於先朝茅社之榮是為基命節旄之重宜錫隆名端州升為節鎮仍以興慶軍為額

端州境內德音

元符三年十一月丁卯

門下朕荷宗祐之靈膺神辰之重推原基命肇自先朝以高要之興
區為真之賜履粵承大統賈始舊封相彼山川已應舂陵之氣眷
茲倪耄豈無代邸之恩肆升耶鎮之旌誕霽州閭之惠應端州管内
云云於戲建牙立纛既垂萬世之休宥罪施仁以廣一人之慶當爾
有衆體予至懷

建拱州為保慶軍御筆

崇寧四年十一月十日

京師川原平街無阻山帶河之險比建四輔拱翼都邑涇鄭穎昌因
舊節度以壯屏翰之勢其新置拱州未賜軍額可依涇鄭例賜以軍
額其四輔仍隨四面稱某輔馬步軍都總管永為定制十二月九日
奉聖旨拱州賜名保慶軍為額餘依已得指揮

開德建府曲救管内德音

崇寧五年十月二十二日庚辰

門下朕誕膺駿命祇紹寶圖昔在先朝選臨外屏乃眷鍾寧之節嘗

為賜履之邦被山帶河拱神都之根本深溝高壘控朔部之襟喉近
遵烈考之規申盡王畿之制升之甸服崇以隆名嘉府號之肇新念
國封之惟舊宜覃渙渥爰示寵綏應開德府管內云云於戲開府建
牙既重藩藩之勢布德行惠式慰臣民之心咨爾有邦體予至意

湖南提刑席貢乞靖州開通驛路御筆大觀六年六月十一日

新造之邦雖已附順其民輕而易松山川之險夷道里之遠近無阻
隔之患則可為持久之計可依所奏令王祖道張莊相度措置開奏
即不得稍失其情因致騷動右劄下王祖道張莊仍限一月

建瀛州為瀛海軍河間府御筆大觀元年十一月十八日

瀛於北道地大物眾宿兵置師旁制支郡其所統屬滄吳等州皆為
節藩而尚仍舊貫為防禦州重輕不倫可以瀛州為瀛海軍節度河
間府

差官措置涪瀘南平軍御筆大觀二年八月二十五日

西南夷赴涪瀘南平軍約土歸順三州地里遼遠瀘州又隸梓州路相望隔越撫納勞休守佐之臣未必能辦其事新附之民初歸王化苟失其情使其心悔非率服蠻夷之道除涪州已差龐恭孫外瀘州差趙適南平差崔于堅前去各一措置仍疾速施行

胡耳西路蠻向慕約土置州御筆大觀三年正月二十四日

胡耳西路蠻向慕約土幅員千里當置州縣以撫其俗今措置音有害其成止建城寨屯戍既少聲援不接易叛難安非長久之計可令王子戌同王長端知州事鍾祖猷昨任靖州頗知其詳宜差充轉運司勾當公事與長端協力措置

瀘州升為瀘川軍御筆宣和元年五月二日

瀘州西南要會控制一路邊門之寄付昇非輕可升為節度賜名瀘

川軍

宋朝大詔令集卷第一百五十九

宋朝大詔令集卷第一百六十

政事十三

官制一

置縣尉詔

建隆三年十二月

盜賊閭訟其獄寔繁逮捕多在於鄉閭聽決合行於今佐頃因兵革
遂委鎮負漸屬理平合還舊制宜令諸道州府今後應鄉閭盜賊閭
訟公事仍舊却屬縣司委令尉勾當其一萬戶已上縣差弓手五十
人七十戶已上四十人五十戶已上三十人三千戶已上二十五人
二千戶已上二十人一千戶已上一十人不滿十戶一十人合要
節級即以舊鎮司節級充其餘人並仰停廢歸縣司免役其弓手亦
以舊弓手充如有盜賊仰縣尉躬親部領收捉送本縣若是羣賊即
盡時申本屬州府及捉賊使臣安節度防禦團練使刺史盡時選差

清幹人員將領廳頭小底兵士管押及使臣根尋捕逐務要斷除賊
寇肅靜鄉川不得按仗攪擾其鎮將都虞侯只許依舊勾當鎮郭下
烟火盜賊爭競公事仍委中書門下每縣置尉一員在主簿下俸祿
與主簿同

一品致仕官曾帶平章事者綴中書門下班詔乾德元年閏十二月

羣官列位自有通規舊德來朝所宜加禮且表優賢之意抑致尚齒
之風自今一品致仕官曾帶平章事者每遇朝會宜綴中書門下班

為鎮帶平章事休致者綴中書門下班詔乾德二年二月壬戌

伏鉞成功懸車得請奉退身之道既叶前經念眉壽之賢豈忘異禮
自今應滿鎮帶平章事求休致者每遇朝會宜令綴中書門下班

重書記詔

乾德二年七月辛卯

管記之任資序頗優自前藩鎮薦人多自初官除授自今厯職兩任

以上有大學者即許觀察留後奏充掌書記

置三司推官詔

乾德四年正月丙戌

國家慎擇時才參掌邦計貨泉所聚職務尤繁方冀得人各俾陳力雖思不出位勿侵長官之權而知無不為共濟公家之物其或條網有所未正利害有所未明臨蒞者既不知周揚厯者必能通究不可臧言而自守所期聞善以相規儻功過成分則黜陟斯舉宜行條制以革因循應三司鹽鐵度支戶部判官等除各行本司公事外自今應有改移制置支撥折秤增減條例轉輸供備凡十起請並案商量切在從長務令允當若或事未暗詳理須詢訪即宜關牒以問別司才受公文便須盡理回報具明可否方得施行苟涉稽違當行黜責若或因而更改頗恣便宜仍具奏聞並充課績若在省編曾預咨謀事猶未決即許牒諸路轉運司使問其利害其轉運司承受公文亦

准前應報或當軍期不在此例應三司使或有行違未當本司判官
並須執詰如事理顯明不肯依據即許面取進止或有事已經教揚
稱奉旨施行者若未通便亦許指陳或本司判官遇事不言仍許別
部判官及逐路轉運使直具利害聞奏賞罰之典斷在必行應逐司
判官各批書課績與判官通置每至年終當議考校無勞者退黜有
功者甄酬或明知利害之事顯然循默不言便當舉行不須終歲應
三司令各置推官一員今總斷逐司公事兼專管勾司公事仍別給
印應三司事如點檢得判官等起請改正條件亦仰置厯批書諸道
轉運使者如見三司行下公事有不便於民者許直具事狀以聞不
得隱避其所行公事及中奏起請改正條件亦仰置厯批上逐一進
呈以憑校定方第明行黜陟大政理之本責實為先所宜上下同功
中外協力各修乃職咸聽朕言勉施盡瘁之勞以副責成之意

御史臺流內銓南曹刑部大理寺並三周年為滿詔乾德四年八月

寅

憲府經姦天官選吏秋曹默然俱謂難才猶名既貴於勤勞滿歲且行於旌賞其間刑法之寺斷覆之司雖已降勅文未明立月限宜將頒於定制庶各勵於當官應御史臺吏部流內銓南曹刑部大理寺自少卿郎中員外郎知雜侍御史以下及丞簿司直評事等並以三周年滿須常在本司蒞事者至月限滿日便與轉官尚書侍郎御史中丞大理卿別議加恩其奏補歸司勳留官并令史等各與歲一選

省西川州縣官增俸詔開寶三年七月壬子

吏員繁而求事之治未之有也俸祿薄而責人以廉甚無謂也與其冗員而重費不若省官以並俸自今應西川管内諸州及二萬戶已上依舊置州官三員一萬戶以上置祿事司法參軍各一員其司法

兼司戶事五千戶已上置司戶一員兼錄事司法事諸縣千戶以上依舊置令簿尉三員千戶至四百戶以上置令尉各一員尉兼知主簿事四百戶至二百戶置簿尉各一員簿兼知縣事二百戶以上置主簿一員兼知令尉事其州縣官等料錢仍於舊俸外每月更加五千並以前見錢充未奉仍舊支給

省官詔

開寶三年八月戊辰

昔漢光武令司隸州牧各實所部省減吏員十置其一當時稱治事惟師古可舉而行自今應天下州縣官宜依西川例減省員數

今銓司移注嶺南官詔

朝廷初平嶺表方布皇風念彼黎民久經苛政資藉循良之吏往施惠養之恩宜令銓司於鄧唐隨郢襄均房復安中等州已南并荆湖管内見任令錄兩考以上及判司簿尉兩任五考合入令錄年五十

五以下者移注嶺南管内諸州通判兼令取便般家仍以三考為限
候秩滿不令守選並據資叙與注內地幕職

三曹攝官無遺闕者以名聞詔開寶四年十一月庚戌

諸處攝官並皆停罷或累親公事稍負能慮成棄捐所宜搜訪其
今吏部流內給南曹偏下諸道如有三曹攝官並無道闕者即仰照
檢解由具名以聞如有偽命攝者不在此例

省吏詔開寶五年正月壬寅

州縣之內官吏寔繁官既冗而吏不省甚非所宜也應請道州縣之
及當直人力令等第減省

置河堤判官詔開寶五年正月丙子

朕每念河堤潰決頗為民灾故嘗置使以專掌之思設條佐共濟其
事自今開封府天雄軍鄆澤滄滑孟懷鄭齊德博淄衛濱十七

處各置河堤判官一員即以逐州通判充如關通判委本州判官兼領之

邊遠官三年除替詔開寶五年十月戊戌

國家提封既廣文職尤繁邊遠効官所宜軫念政成受代素有規程苟或踰時諒難為勸自今委所司照檢到官月日纔及三周年便與除替

京朝官釐事於外者曾經責罰與邊郡詔太平興國八年四月辛卯

國家並建府官分掌衆務各司其局或盡其才不明殿最之文曷中懲勸之道應州縣幕職官火等吏部並有常規自今京朝官釐事於外者秩滿歸闕曾經責罰及臨事簡慢者並與邊郡遠地其課績高第治行尤異者授以近地式示勸能且令著為定制

司理闕令本州於見任簿尉判司內選充詔太平興國九年五月乙丑

司理參軍專於推鞠所度積資尤在得人如開諸道多闕此官蓋吏部拘以資叙難為注擬自今應有關處宜令本州於見任諸判司內選擇明敏有官業者充秩滿當與升獎具罷軟不任職者便可選官代之

親選權官吏中書審勘別聽進止詔

太平興國八年八月丁酉

朕選用羣材分領眾職雖九品之賤一命之微未嘗專望於有司必須召對於便殿親與之語以觀其能儻教納而可觀必越次而茂資恩或由於僥倖理未至於澄清自今應親臨選權官吏並送中書更審勘履歷別聽進止

京官幕職州縣官丁憂者放離任

雍熙二年十一月辛卯

三年之制謂之通喪乃聖人之垂教胥百代而不易向者臣僚居喪多從抑奪蓋切於致理而急於用人求使一時誠非永制方敦孝治

以厚時風宜從樂棘之心保守苴麻之禮自今京官蕃職州縣官有
丁父母憂者並放離任常參官奉取進止

改遺補官名詔

熈寧元年
二月乙未

補闕拾遺位居諫省榮踐清華之列是為獻納之臣朝廷之得失須
論刑政之煩苛必舉廢茲職業寄任非輕上則輔相大臣次則公卿
庶尹歷朝選仕何莫由斯苟或但務因循止思慎默忠言讜議寂寞
無聞殊乖申飭之規渴副建官之意宜更舊號特立新名庶明立制
之文咸勵匪躬之節其左右補闕宜改為左右司諫左右拾遺宜改
為左右真言

除少卿官詔

熙寧元年
四月丁未

九寺三監國之羽儀制度聲明往往而在各有副貳率具司存品秩
素高職任九重部吏遷授斯為舊章比聞措紳之沅頗以臺閣自許

目爲散地甚無謂焉朕特候之自我而始具以兵部郎中沈承恭爲
太常少卿戶部郎中張洎爲太僕少卿呂端爲大理少卿魏庠爲衛
尉少卿城內爲司農少卿袁廓爲鴻臚少卿柴成務爲光祿少卿工
部郎中張雍爲太府少卿

秘閣決三館詔

淳化元年
八月癸亥

朕肇興秘尉典掌羣書仍選名儒入直於內文籍大備衆然可觀處
中禁以宏開非外司之爲比自今秘閣宜次三館其秘書省依舊隸
京百司

刻秘閣贊詔

近以延閣載新萬機多暇聊書贊詠以美成功所純微猷深虞漏略
出於衆興豈足多稱選覽封章願刊堅石垂於不朽良積厚願其替
并序朕兼爲親書并篆刻石額以旌秘省

三司判官見本使儀範詔淳化三年五月丙辰

國家並遣官司各有僚屬在班爵而既異因名數以洞分所宜奉承
宜可進越自今三司判官見本使各謹禮度無失恭虔每日內朝謁
見非咨事不得輒至本使廬中朝罷各赴本司視事即不得於諸處
輒行私謁御史臺專紀之

置三司使詔

淳化四年五月戊申

國家擇公幹之臣掌財賦之任俸入甚厚柄用非輕必當立興利除
害之謀成家結人足之美使廩庾之內常有餘糧山澤之間悉無遺
利率土共臻於富庶小民不起於怨咨斯謂得人方為稱職夫何羣
吏未副所懷設官屬以雖多舉綱條而靡當空令聽覽日有勞煩用
責盡公務求實効各共勤於職分仍併省於吏員然幽陟明罰有異
典自今只置三司使一自判官六員推官三員三部勾院只置判勾

一員判官一員其三部屬吏仍舊貫三司使只於按檢署字外處符牒只令判官通置頒行

罷提刑司詔

淳化四年十月壬戌

昨者申命使臣分聽獄訟徒經歲序茂有平反既莫副於哀矜諒祇為於勞擾其諸路決遣刑獄宜從省罷委轉運司振舉之

翰林樞密直學士職位在丞郎上詔

淳化五年六月甲辰

翰林樞密直學士職參內著禮絕外司況品秩以既殊在等威而宜峻頃者有所改易深未便安宜申明於舊章用遵行於故事自今序立班位依在丞郎之上

三司判官主判推官等見本使儀詔

淳化五年十一月辛未

朝廷設官分職各有等威若既不同禮亦異數自今令三司判官主判推官等見本使並如郎中負外見丞郎尚書之儀

復三部使詔

淳化五年十一月辛丑

銅鹽之務所以籠天下之貨財度支之司所以辦邦國之經費泊民
曹之劇任皆邦計之本源蓋以司金穀之耗登謹府庫之出納爰從
近代以迄我朝雖琴瑟改張俾期於易治而未盡細碎並致於滋彰
宜復前規用為永制應兩京十路並復歸三部各置使一員每部置
判官推官共四員人掌兩案公事別置都監一人序於判官之下都
勾部以備三部專紕簿領之出入焉以總計陳恕為鹽鐵使樞密院
承旨左屯衛將軍王延德為度支使樞密直學士屯田郎張鑑為左
諫議大夫戶部使左計使魏羽右計使董儼並罷

王顯兼河北都轉運使詔

咸平四年五月甲戌

近違饋餉責在轉輸比擇時才往分憂寄而權輕位下罕濟利權特
命大臣兼掌其事宜令定州駐泊都部署山南東道節度使同平章

事王顯不河北諸州水陸計度都轉運使應供軍緡帑糧並同經度其餘刑獄公事止今轉運使副施行

罷王顯兼河北轉運詔

咸平四年十一月丁卯

向者師旅繁興邊防太聳式資餽運以壯兵鋒爰命帥臣兼領其事今寇戎遠遁疆候謐清宜令攸司各仍其舊其北面都部署王顯等所兼河北轉運宜罷之

復置三司使詔

咸平六年六月丁亥

國家按九州之圖籍提四海之封疆租庸有金谷之饒筦榷有銅鹽之富為我邦計在茲地祗撫而治之是曰會府自頃並建三司各領一司既統攝之不同亦因循而漸理罕資費用但益煩苛均有無則局分相違定出納則簿書交錯網條失序言論盈庭空紊典常殊無體要用圖經久特議更張僉擇能臣倅之兼領仍設副貳分佐事權

宋蘇大詔令集卷一百六十

勉思盡忠副我注意

宋朝大詔令集卷一百六十

宋朝大詔令集卷第一百六十一

政事十四

官制二

許八穀授官制 景德二年二月

有司言西漢晁錯以為爵者上之所擅出於口而無窮粟者民之所種生於地而不乏使入粟以受爵塞下之粟必多文帝從之令民入粟備邊六百石爵上造栢增四千石為五大夫萬二千石為大庶長事存故典利及公家懇翼遵行以便儲積苟濟軍國予何怪焉自今許人於河北定州廣信安肅軍北平塞入穀千石授本州助教文學二千石賜出身三千石授簿尉借職四千石授奉職五千石授寺監主簿六十石授正字校書郎七千石授太祝奉禮郎八十石授大理評事殿直九千石授諸寺監丞侍禁萬石授大理寺丞供奉官洛邢

趙貞翼博瀛英雄霸保鎮等州乾寧順安信安永定永靜保定等軍
千石以上加二百石投助教文學二千石已上復遞加二百石至萬
二千石投大理寺丞供奉官懷衛磁相潭等州天雄軍通利軍千石
已上加五百石投助教文學二千石已上復遞加五百石至萬五千
石投大理寺丞供奉官

廣南官並春夏定差許秋冬到任詔景德四年四月癸酉

海隅之地炎瘴繁方賴衆官徃司民政如聞暑月冒涉長途或邁
沉痾豈忘矜恤自今廣南官並春夏季內定差許至秋冬到任

選官充知陵臺令兼永安縣事詔景德四年七月庚申

朕以列聖在天因時永感瞻言陵域肇建官司所擇朝闕之臣仍兼
宰邑之務式嚴充奉用著典彝宜以殿中丞黃昭益知陵臺令兼永
安縣事仍令有司就陵令公署增脩縣廨

增置開封府推判官詔

景德四年
月壬申

春茲京邑是謂浩穰獄訟寔繁民務尤劇宜增條佐分隸職司庶遵明慎之文式佇密清之効開封府推官判官宜各增置一員分掌刑獄稅賦仍加俸給如事有枉抑未盡公理非吏人受財者自今並以推判官為首

置諸路提刑詔

景德四年
六月辛卯

朕勤恤臨人勵精致治惟震區之至廣念獄犴之寔繁且訊鞠之初寧無枉撓而處斷之際豈盡平反苟致沉寃必傷和氣方資審克用副哀矜今擇官諸路提照刑獄公事具官云云所至專察視囚禁審詳案牘州郡不得迎送聚會所部每旬具囚繫犯由訊鞠次第申報常檢舉催督有繫淹久者即馳往案問出入人罪者移牒覆勘劾官吏以聞諸邑詞訟逐州斷違不當已經轉運司披斷未允者並收接

施行官吏貪濁弛慢者具名以聞有死匿並當加罪仍借緋紫以三年為任增給緡錢如轉運使之數內出御前印紙麻書績効中書樞密院籍其名代還考課議功行賞如刑獄枉濫不能擿舉官吏曠弛不能強奏務畏避者寘以深罪

令霜官選京朝官曾知縣者充廣南知通詔

景德四年十一月戊寅

眷惟五嶺僻在一隅方殄絕於寇攘宜精擇於官守式資兵治以惠遠民應廣南知州通判宜令審官院選京朝官曾任知縣者充例引對崇文院

置紆察在京刑獄詔

大中祥符二年七月丁巳

輦轂之下斯謂浩穰獄訟之間左為繁劇苟粗乖於閱實則或陷於非辜伏念軫懷當食興嘆分子憂寄今有得焉特建官司察其枉撓庶彰隱悼以召和平宜令金部員外郎知制誥周起侍御史趙相糾

案在京刑獄具御史臺開封府在京應有刑禁之處並得糾舉逐處
斷徒已上罪旋供報內未盡理及淹巡者並定取案牘看詳驗奏若
曠於舉職致有枉濫因事彰露則重論其罪

令兩省御史臺官不得以它官轉入詔

大中祥符四年八月丙辰

諫垣近臣憲府清塗職在弼違任當執法先帝勗其獻納特收於名
稱歷代委以糾繩必資於端直苟非選用曷以當官至如軒陛承恩
榮列殊等靡緣叙進蓋在才難矧復就列中宸策名內省宣達命令
出入禁闈祖宗以來邦國舊制必由特獎以示勗勤昨者報本勒封
禮成慶浹曠世所遇固優洽以爲宜有位例遷非悠長之垂法必從
區別以勵忠勤自今兩省御史臺官須文學優長政治尤異者特加
擢拜遇慶恩不得以它官轉入其東頭供奉官至閤門祇候高品至
殿頭內供奉官至崇班並不得一例遷授其不預改轉者當議優與

差遣增其俸給

樞密直學士定六貲詔大中祥符

宥密之地出處深嚴論思之臣踐揚清要雖素由於慎簡尚未立於
定貲矧侍從才難軒擢望峻在選賢之攸重宜著位之有常樞密直
學士自今以六貲為定

今川峽官許去本貲三百里外守官詔天禧四年二月庚午

區域之廣官師寔繁惟籍貢之所存在條章而有限察其情志寧靡
懷思矧夫致政之人已獲退身之適使還閭里足表恩榮悉用推恩
從遂其便宜令審官院流內銓自今群官中川峽中有科名歷任無
贓罪經薦舉者三任內許一任去本貲三百里外守官其年老至仕
者亦許還鄉

廢提刑詔天聖六年正月戊午

國家憂勤萬萬欽恤群黎爰分命於使車冀平反於犴獄而歲序斯久官局爲煩仍聞按察之間或致滋彰之弊載詢公議深軫予懷思協便宜式從廢罷矧惟均漕之任實分綏撫之權俾復舊規安之專領當副省官之有旂旌舉職之勞宜令逐路提點刑獄朝臣限勅命到日將本職公事及應承受到宣勅諸般文字等交割與轉運使副管勾訖發來赴闕其本司合行省去事件委轉運司指揮訖奏所有公人並發遣歸元差來處不得占留

罷宮觀使詔

天聖七年
七月己酉

近以上穹降災靈詔爲燼然重循儆戒俾輟繕完載惟列真之庭皆有侍祠之使存形封奏達于予聞以謂國家因事建官非爲定制況夫董薦享之事備科式之文宜徇所陳無煩總領其罷諸宮觀使止令判官同管勾宮觀事

置天章閣待制詔

天聖八年十月

朕以纂膺宸統祇率先猷內奉長樂之尊外洽右文之化聿臻嘉靖
欽服燕詒真宗皇帝輝赫景炎丕隆寶構受華鳩之舊籙發在口之
濬源紀號陟於喬封奠球造乎方澤凡資禮樂之用積成辰象之篇
俯近崇樞創崇層閣榜以天章之美冠於策府之名煥乎堯言星羅
而雲布噉如萬律玉振而金相雖敷稽古之風未立建官之署曷慈
闡之懿訓仲孝治之鴻規特擇雅材俾居邇列誕敷之德宣奉于茲
可特置天章閣待制位龍圖閣待制下

置端明殿學士詔

明道二年八月丁巳

先朝茂建官職屬精化本眷中宸之秘殿列資政之美名以待時髦
蔚爲盛選朕紹承丕構奉若鴻規雖夙御延莫諮詢於輔弼而再臨
便坐闕決於幾微期獎擢於名儒益增華於近職式資顧問用廣謀

欽宜置端明殿學士班翰林資政殿學士之下

復提刑詔

明道二年十月二十八日

惟三尺之法守一成之文頃在先朝常頒明詔慎東端良之士俾分
提振之權蓋慮因循滯淹尚多無告官吏能否或所未知爰稽按行
之勤庶洽治平之化邇後事任斯久漸致滋章州郡之間或聞苛擾
尋罷厥職頗曠攸司今以區域之中獄犴斯廣轉漕之吏庶按難周
恐員失於詳明思復遵於規制減吏員之冗數絕迎送之重勞務敦
簡易之風用符欽恤之旨布告中外當體朕懷

三司使副未久不得遷易詔

景祐元年二月庚申

眷言會府專制國財使領之權總臨於諸部副貳之列分幹於攸司
名秩頗崇政務尤劇凡所更踐莫匪俊良故有不時而遷遂成數易
之弊蓋念幅員至廣貨利惟繁必牢籠之得宜乃用度之無失非久

其職將瘵厥官則底定之有同繫服勞之靡懈庶使詳研計簿押貫
事程寬物力以阜民謹歲成而齊治副茲重委各竭精心自今三司
使副在職未久毋得非次更易

任子詔慶曆三年十一月丁亥

周禮大司樂掌學政以六藝教羣國子漢制光祿勳與仕籍以四行
察三省郎茲其官才本於世胄然當辨論必屬俊良今陰法之所原
古典刑之是憲維因循之日久浸滋蔓而倖多敝生作法之涼濫起
推恩之過且賞延于世諒非及於疎京官惟其人頗可取予稚齒墜
陞仕進之路復無誨育之科室不茨墉田不疆畝處不格立身之道
出不閑從政之方歷觀貴塗良鮮舊族此則上由朝廷法制之不立
下自父兄訓導之不孚故俾宰司詳爲著令使夫冢嗣先祿以篤爲
後之體校子限年以明入官之重穀考藝之格激之向學立保仕之

條勉令率履前史不云爵祿者天下之砥石人君所以厲世磨鈍茲
實用焉庶乎位有稱職之才朝多濟世之美非惟為國進士是乃為
臣立家法示具條知朕茲指宰相使相舊制除子將作監丞期親太
祝奉禮郎自今子并期親並如舊其餘親屬等第除試街樞密副使
參知政事除子太祝奉禮郎舊親校書郎自今子孫并期親尊屬如
舊制其餘親等除試街僕射尚書子校書郎或正字期親寺監主簿
自今子孫并期親尊屬並如舊其餘親屬等第除試街三司使翰林
學士龍圖閣樞密直學士丞郎除子正字期親寺監主簿自今子并
舊親尊屬並如舊其餘親屬等第除試街式齋郎龍圖閣直學士給
事中諫議舍人知制誥龍圖天章閣侍制太師監三司副使知雜除
子寺監主簿期親試街自今惟長子聽如舊其餘親屬等第除試街
或齊郎正郎及省府推判官并館閣官舊制過南郊許奏薦者自今

若曾犯贓至去官後未復官至正郎及自外郎帶職者只得奏子孫親屬一名若別有殊績或領重寄者勿拘此其降監當者即不許陳乞諸路轉運使副提點刑獄遇南郊非正卿及帶館職自外郎並須於郊禮日前到任一年者方得奏薦應奏蔭選人年二十五已上遇南郊限半年許赴銓投狀差兩制已上三員於尚書省鑾院置謄錄封彌司考試內習辭業者試論一首或詩賦各一首詞理可采不犯不考式者為及格習經業者春秋禮記毛詩周易尚書人專一經并兼習律文試墨義一十道只問正文五通為合格具及格者並放選其不中者且令守選七選已上經兩試九選已上經三試至選滿日如有京朝官三人同罪保舉與洋遠小判司簿尉如無人舉注司士參軍或不赴試又無人舉者吏不理選限奏蔭京官年二十五已上每年春季赴國子監投狀差兩制以上三人於大學鑾院依選人考

試其合格者方與差遣後兩任無私罪有本路轉運提點刑獄知州
通判同罪保舉即入親民如經三試有三人朝官同罪保舉者亦與
小處監當後兩任無私罪本路轉運提點刑獄知州通判有五人同
罪保舉方得親民其不赴試又無人舉雖曾三就試而辭業訖繆對
義不合格者並未得與差遣如願換班行者與等第安排其武臣使
相舊制除子東頭供奉官舊親者左侍禁自今子并舊親並如舊其
餘親屬自左班殿直以下安排樞密使副宣徽使見任節度使除子
西頭供奉官舊親右侍禁自今子孫并舊親尊屬並如舊其餘所屬
自右班殿直以下安排六統軍諸衛上將軍節度觀察留後觀察使
內客省使除子右侍禁舊親右班殿直自今子孫及舊親尊屬並如
舊其餘親屬自三班奉職已下安排客省使引進使防禦使團練使
四方館使樞密都承旨閤門使除子右班殿直舊親三班奉職自今

子孫并眷親尊屬並如故其餘親屬自三班借職以下安排正任刺
史並差使殿侍諸衛大將軍內諸司使樞密院諸房副承旨除子三
班奉職眷親三班借職自今子孫并眷親尊屬並如故其餘親屬除
差使殿侍諸衛大將軍內諸司使樞密院諸房副承旨除子三班奉
職眷親三班借職自今子孫并眷親尊屬並如故其餘親屬與下班
殿侍侍衛諸將軍內諸司副使樞密院逐方副承旨只除三班借職
今更不減若曾犯入已賊後來至諸司副使諸衛將軍只得奏子孫
一人其降監當者即不得陳乞諸路提點刑獄官未該奏薦而合該
奏薦路分者須郊祀前到任及一周年方得奏陳其川廣福建七路
初授差遣者恩澤聽如舊凡奏蔭三班參班日先於軍頭司試弓七
斗力或弩兩碩五斗力施放有條道者爲合格更不試書算會書算
者於三班院試寫容狀一本錯三寧已上并算錢穀五件通三者爲

合格更不試弓 不合格者且令習學皆能習孫兵六韜三家兵書
內試義五通三通爲中更會弓弩爲優等如願試策亦試五道以三
通爲中或善五般武藝鞍馬精熟更通書算者亦爲優等二項與免
短使邊上權外寨監押或權諸寨巡檢如武藝不羣及於策設備者
爲異等即引見聽旨陣亡之家子孫不試武藝書算如無子孫其弟
姪得錄用者亦不試應降指揮後已及十八歲者亦免之以上文武
官僚合該奏薦者內長子孫皆不限年雖非長子孫見居長者同其
諸子孫湏年十五以上第姪湏年二十已上仍湏五服內親方得奏
薦如妄冒服紀及虛增年並以上書詐不實論其合奏異姓即不問
服紀應除子曾受恩澤而物故者若係無子孫食祿並許再奏之

宋朝大詔令集卷第一百六十一